



PRIVREDNA KOMORA KANTONA SARAJEVO

Broj: 04/MK/ 7 - 112/12
Sarajevo, 28.05.2012. godine

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
Alipašina 41, Sarajevo**

n/r premijera, gosp. Nermin Nikšić

**Predmet: Inicijativa za formiranje posebnog organizacionog odjela za građevinarstvo
i imenovanje pomoćnika ministra za građevinarstvo pri Ministarstvu prostornog
uređenja Vlade Federacije BiH**

Poštovani Premijeru,

Na sjednici Upravnog odbora Privredne komore Kantona Sarajevo, održane 24. maja 2012. godine razmatrano je aktuelno stanje u privredi Kantona Sarajevo i šire.

Nakon konstruktivne rasprave, između ostalog, članovi Upravnog odbora su zaključili da bi u ovom momentu, zbog veoma teške situacije u kojoj se nalazi građevinarstvo, a znajući da je u ovom trenutku nemoguće formiranje posebnog ministarstva, bilo neophodno formiranje posebnog organizacionog odjela i imenovanje pomoćnika ministra za građevinarstvo pri Federalnom ministarstvu prostornog uređenja.

Kao razloge za pokretanje ove inicijative, privrednici navode:

Već duži niz godina građevinarstvo se nalazi u nezavidnom položaju, koje od 2008. godine, i na nivou BiH i na nivou Federacije BiH, bilježi najveći i stalni pad u odnosu na druge privredne djelatnosti. Razloge treba tražiti prvenstveno u sferi globalne ekonomske krize, kao i u turbulentnim političkim zbivanjima u zemlji.

U Analizi stanja privrede Kantona Sarajevo u 2011. godini sa tendencijama u prvom kvartalu 2012. godine, koju je sačinila Privredna komora Kantona Sarajevo, građevinarstvo je, kao pokretačka snage privrednog razvoja svake zemlje, u toku 2011. godine bilo na udaru opšteg stanja nelikvidnosti i nemogućnosti naplate potraživanja u čemu je izostala podrška od strane aktuelnih vlasti.

U nedostatku povoljnijeg poslovnog ambijenta, kao prioritete mjere i aktivnosti predloženo je:



71000 Sarajevo, La Benevolencija 8
Tel: (00 387 33) 250 100, 250 101, 250 196 Fax: (00 387 33) 250 137, 250 139
www.pksa.com.ba, webmaster@pksa.com.ba



- Što hitnije krenuti u realizaciju planiranih investicionih radova.
- Iznaci adekvatne načine za olakšanje izmirenja-servisiranje fiskalnih i drugih obaveza, koje stoje kao prepreka opstanku i daljim aktivnostima nizu građevinskih kompanija u Kantonu i FBiH.
- Pokrenuti izmjene u Zakonu o javnim nabavkama u smislu da se smanje troškovi izrade tenderske dokumentacije koja se može u više navrata koristiti i za druge tendere.
- Obezbjediti kvalitetne kreditne linije, posebno za stanogradnju, putem Razvojne banke Federacije BiH te raznim stimulacijama iz sredstava budžeta Kantona ili Federacije. Još uvijek su ogromna kapitalna sredstva građevinskih firmi blokirana u završenim, a neprodatim stanovima i drugim objektima. To je dovelo do blokade niza firmi koje su se našle u jednoj nerješivoj situaciji.
- Omogućiti veće učešće domaće građevinske operative u izgradnji značajnijih infrastrukturnih objekata kao što je autoput na koridoru Vc i dr. i time omogućiti domaćim građevinskim kompanijama da dođu do referenci koje su im sada prepreka kod odabira izvođača na tenderima. Dakle, obezbijediti stvarnu (ne deklarativnu) potporu domaćoj građevinskoj operativi na tenderima, kako to čine već godinama zemlje našeg okruženja. Nema potrebe aktuelnoj vlasti objašnjavati sa kakvim kapacitetima raspolažu domaće kompanije i koje imaju referense jer to odavno znaju i inostrani investitori.
- Za uspostavu predhodnog, neophodna je adekvatna zakonska regulativa koja, kao što je već istaknuto, polako dobiva na značaju te samo ostaje za nadati se da će se zakonska rješenja ubrzo usvojiti i implementirati.

Kako je građevinarstvo pod ingerencijom tri ministarstva, Ministarstva prostornog uređenja, Ministarstva prometa i komunikacija i Ministarstva energije, rudarstva i industrije, to se logičnim nameće zaključak da **privrednici traže jednu adresu za rješavanje nagomilanih problema**. To ne bi trebalo da bude upitno jer i druge zemlje, kao što je susjedna nam Hrvatska, ima Ministarstvo graditeljstva i prostornoga uređenja.

Nadamo se da ćete uvažiti mišljenje privrednika i pokrenuti aktivnosti da se pri Ministarstvu prostornog uređenja, prerasposjelom zaposlenika, formira poseban organizacioni odjel za građevinarstvo i imenuje pomoćnik ministra za građevinarstvo u okviru nadležnog ministarstva.

Spremni smo i dodatno obrazložiti ove zahtjeve.

S poštovanjem,

PREDSJEDNIK

Kemal Grebo, dipl.oec.